

卷八  
九十五

婦人良方



婦人良方卷之八

薛氏醫按

臨川陳白明編 吳郡薛 已註

新

都

因道政校

婦人小便淋瀝不通方論第一

婦人淋瀝由腎虛而膀胱熱也蓋膀胱與腎為表裏主於水行於脬者為小便也若腎虛則小便頻數膀胱熱則小便淋瀝甚則不通腹脹喘急當速治之

愚按前症若膀胱熱結用五淋散若脾肺虛熱用補中益氣湯加山藥五味麥門若脾經鬱熱用加味歸脾湯若肺經鬱火用黃芩清肺飲若肝經濕熱用龍膽瀉肝湯血虛用加味逍遙散陰虛用六味丸加柴胡山梔大抵不渴而不利者熱在下焦血分也用滋腎丸渴而不利者熱在氣分也用清肺

飲尺脈數而無力者。陰火盛而陽不能化也。用六味丸滋腎丸爲主。尺脈浮而無力者。陽氣虛而陰不能生也。用加減八味丸滋腎丸爲主。

附治驗

一婦人素有前患。內熱體倦。余以爲肝火血少。脾氣虛弱。用八珍逍遙二散兼服月餘。而小便利。又用八珍湯而氣血復。一婦人患前症。面青脇脹。諸藥不應。予以爲肝經氣滯而血傷。用山梔川芎煎服而愈。

一婦人小便不利。小腹并水道秘悶。或時腹脇脹痛。余以爲肝火。用加味逍遙散加龍膽草四劑。稍愈。乃去膽草。佐以八珍散。加炒黑山梔兼服而瘥。

石韋湯

治小便實熱氣滯淋瀝。

石葦

黃芩炒

木通

榆白皮

葵子

蘿麥

甘草各五

右薑水煎服

雞蘇散

治血熱淋瀝

雞蘇葉

木通各二

生地黄

滑石各三

刺薊根

一兩

右每服半兩淡竹葉三七片水煎

桃仁煎

治血痕小便如淋。臍腹脹痛。方見血痕門第七卷第九論

火府丹

治心經積熱小便澀及五淋。加甘草名導赤散

生地黄

二兩木通為末

黃芩炒各一兩

右加蜜丸。桐子大。每服三十九。木通煎湯下。

○許學士云。一卒病渴。日飲水斗許。不食者三月。心中煩悶。

時已十月。余謂心經有伏熱。與火府丹數服。越二日來謝云。

當日三服渴止。又三服飲食如故。此本治淋用。以治渴。可謂

通變也

一方牛膝一合水煎入麝香少許服之。鄞縣耿武尉夢得其內患淋下砂石剝剝有聲甚為苦楚一服而愈。

附方

滋腎丸 治熱在血分不渴而小便不利。或腎虛足熱腿膝無力不能履地。又下焦陰虛小便不利。肚腹腫脹。或皮膚脹裂。眼睛突出。此神劑也。

知母

酒炒

黃柏

酒炒各二兩

肉桂

二錢

右各另為末水丸桐子大每服二百丸空心白滾湯下。

黃芩清肺飲 治肺熱小便不利宜用此藥清之。

黃芩

炒

山梔

炒各一錢

右水煎服不利加鹽豉二十粒。

五淋散

治膀胱有熱水道不通淋瀝不出。或尿如豆汁。或成

砂石或如膏汁或熱沸便血

赤茯苓

一錢五分

赤芍藥

山梔

各一錢

當歸

甘草

各一錢二分

右入燈心

水煎服

補中益氣湯

方見二十四卷第<sub>七</sub>論

八珍湯

加味歸脾湯

加味逍遙散

三方見二十四卷第四論

龍膽瀉肝湯

方見二十四卷第八論

加減八味丸

六味丸

二方見二十四卷第十一論

○婦人脬轉小便不利方論第二

婦人脬轉或內熱傳搏於胞或忍小便氣逆於內以致小腹急

轉脬小  
便九可救

痛不得小便甚者至死

愚按前症不問男女孕婦轉脬小便不利命在反掌非八味丸不能救餘察前後論主治

附治驗餘見第十五卷

一婦人小便淋瀝小腹脹悶胸滿喘急諸藥不應余視為轉脬之症用八味丸一服小便如湧而安

一婦人因鬱怒小便滴瀝漸至小腹腫脹痰咳喘促余用八味丸料煎服小便即利而痊

一婦人素善怒小便淋瀝不利月經不調半載矣或兩脇脹悶或小腹作痛或寒熱往來或胸乳作痛或咽喉噎塞或兩脚筋攣或肢節結核面色青黃不澤形氣日瘦左關弦洪右關弦數此鬱怒傷肝脾血虛氣滯為患朝用加味歸脾湯以

補脾氣。解脾鬱。祛肝火。夕用滋腎丸。生肝散。滋腎水。以生肝血。抑肝火。舒筋膜。兼服月餘而愈。

滋腎生肝飲

山藥

山茱萸

肉各一錢

熟地黃

自製二錢

澤瀉

茯苓

牡丹皮

各七分

五味子

梓炒五分

柴胡 三分

白朮

當歸

甘草 三分

右水煎服

葱白湯

治氣滯。小便不通。腹脹欲死。

橘皮

三兩

葵子

一兩

葱白 一莖

右水煎。分三服。

八味丸

治脬轉。小便不通。殊有神效。但世所不用。以致誤人。

多矣。

方見二十四卷第十一論

滑石散

治脬轉。小便數日不通。

滑石

一兩

寒水石

二兩

葵子 一合



右爲末以水一斗。煮至五升。時服一升卽利。

又方

亂髮

燒灰

葵子

車前子

各等分

右爲末每服二錢酒調下。

石韋湯

治脬轉小便不通。方見前卷一。

治強忍小便致脬轉尿不利困篤欲死。

滑石

二兩

亂髮灰

一兩

右爲末每服三錢。桃白皮一筋細切熟杵入水三盞絞取汁。

調服。

千金翼用杏仁

三十粒去皮尖

麩炒黃嚼細水送下立通。

方皂角爲末吹鼻內取嚏。

婦人小便數方論第三

小便乃腎與膀胱主之。蓋腎氣通於陰。若二經虛而熱乘之。則小便澀滯。虛則頻數也。

愚按前症。若肝經火動。用逍遙散。加龍膽草。車前子。膀胱火動。六味丸。加麥門五味。肝腎濕熱。龍膽瀉肝湯。鬱傷肝脾。加味逍遙散。加味歸脾湯。肝脾肺氣虛。補中益氣。加麥門五味。肝經血虛。加味逍遙散。腎氣虛。敗鹿茸散。如不應用八味丸。

附治驗

一婦人患前症。小便頻數。日晡熱甚。此肝脾血虛。氣滯而兼濕熱也。用加味逍遙散。加車前子而愈。

一婦人患前症。發熱煩躁。面目赤色。脈洪大而虛。余謂此血虛發躁。用當歸補血湯。數劑而痊。

一婦人久患前症。泥屬於火。雜用寒涼止血之劑。虛症悉具。

余曰此脾胃虧損而諸經病也當補中氣為主遂以六君補中二湯兼服兩月餘尋愈。

桑螵蛸散 治腎氣虛寒小便數少或時頻數或夜間尤數。

桑螵蛸 三十板炒

鹿茸 炙

牡礪 煨

甘草 炒二兩

黃芪 炒

右為末每服二三錢食前空心用薑湯調下日二服

縮泉丸 治脬氣虛寒小便頻數或遺尿不止小兒尤効。

烏藥 益智仁 等分

右為末酒煎山藥末為糊丸桐子大每服七十丸薑酒或米

飲下。

鹿茸散 治腎氣虛寒便溺數甚或夜間頻數遺溺。

鹿茸 炙

烏賊魚骨

桑寄生

當歸

龍骨 服各二兩

白芍藥 炒

附子 炮各三錢

桑螵蛸 炙各五錢

右為末每服二錢。空心并食。前用溫酒調下。作丸服亦可。凡用附子重一兩二四錢。底平頂圓。周圍有瓣者方是。

附方

當歸補血湯

八味丸

六味丸

加減八味丸 四方見二十四卷第十一論

逍遙散

加味逍遙散

加味歸脾湯 三方見二十四卷第四論

六君子湯

婦人良方

華氏醫安錄卷之八

六

卷三百三

補中益氣湯 二方見二十四卷第六論

婦人遺尿失禁方論第四

經云膀胱不利為癃。不約為遺溺。乃心腎之氣失其常度也。故有便道溢而遺者。有失禁而不知自遺者。亦有生產傷膀胱。不時而遺者。有脬寒臟冷。遺而不知者。

愚按內經曰。胞移熱於膀胱。則癃溺血。膀胱不利為癃。不約為遺溺。注曰。膀胱為津液之府。水注由之。然足三焦脉實。約下焦而不通。則不得小便。足三焦脉虛。不約下焦。則遺溺也。靈樞經曰。足三焦者。太陽之別也。並太陽之正。入絡膀胱。約下焦實。則閉。癃虛則遺溺。竊謂前症。若肝腎虛熱。挺孔痿痺。用六味丸。如不應用。加減八味丸。陽氣虛憊。膀胱積冷。用鹿茸丸。如不應用。八味丸。若脾氣虛弱。不能禁止。用補中益氣

湯加山藥山茱五味。若肺氣虛寒。前湯加桂附。此症屬虛熱者多。真寒者少。治宜審察。

附治驗 附小便遺尿

一婦人小便自遺。或時不利。日晡益甚。此肝熱陰挺不能約制。用六味丸料。加白朮酒炒黑。黃柏七分。知母五分。數劑。諸症悉愈。若誤用分利之劑。愈損真陰。必致不起。

一老婦患前症。惡寒體倦。四肢逆冷。余以為陽氣虛寒。用補中益氣加附子三劑。不應。遂以參附湯四劑。稍應。仍以前藥而安。附子計用四枚。人參三斤許。

一婦人病愈後。小便出尿。此陰陽失於傳送。名大小腸交也。先用五苓散二劑而愈。又用補中益氣湯而安。

鹿茸丸 治陽氣虛寒。小便白濁。滑數不禁。或臍腹

女屬症

婦人良方 卷之八 七

陰冷大便不實

鹿茸炙

椒紅

桂心

附子炮

牡礪煨

補骨脂炒

石斛

肉蓯蓉酒浸

雞胫炙

沉香各一兩

桑螵蛸炙二錢

右為末。酒糊丸。桐子大。每服三十九。空心温酒下。

秘元丹 治陽氣虛小便不禁。或夜多小便頻數。

白龍骨煨三兩

訶子十箇去核

縮砂去皮一兩

右為末。糯粥丸。桐子大。每服五十九。空心盐酒下。

又方。鹿角鋤炒為末。每服三五錢。空心熱酒調下。

又方。雞胫炙為末。每服二三錢。空心酒調下。日二三服。

又方。桑螵蛸酒炒為末。每服二錢。空心薑湯調下。

附方

六君子湯

補中益氣湯 二方見二十四卷第六論

六味丸

加減八味丸

八味丸

三方見二十四卷第十一論

參附湯

方見十九卷第六論

五苓散

方見二十一卷第九論

婦人小便出血方論第五

心主於血。通行經絡。循環臟腑。若得寒則凝滯。得熱則妄行。失其常道。則溢滲於脬。則小便出血也。

愚按前症。肝經血熱者。加味道遙散。怒氣血傷者。加味道遙散。調送髮交。若肝經風熱。用前散。送子芩丸。氣血俱虛者。八



珍散送髮。天膏梁積熱者。清胃散加槐花甘草。風熱傷胃者。四君子加防風枳殼。胃氣不能攝血者。補中益氣湯。鬱結傷脾不能攝血者。濟生歸脾湯。

附治驗

一婦人尿血。因怒寒熱。或頭疼。或脇脹。此肝血虛而肝火盛。用加味道遙散。而血脹止。補中益氣加蔓荊子。而頭痛痊。後鬱怒腹痛尿血。仍用前散加龍膽草。并歸脾湯治之。將愈。又因飲食所傷。復作心忡不寧。徹夜不寐。仍用前湯而痊。

一婦人尿血。面黃體倦。飲食不甘。晡熱作渴。此脾胃氣虛。不能攝血歸經。用補中益氣。以補胃氣。用歸脾湯。以解鬱結。更用加味道遙散。以調養肝血。而痊。

一婦人小便出血。服四物蒲黃之類。更加發熱吐痰。加苓連。

之類。又飲食少思。虛症蜂起。肝脉弦而數。脾脉弦而緩。此因肝經風熱。為沉陰之劑。脾傷不能統攝。其血發生諸臟而然也。余用補中益氣湯。六味地黄丸而痊。

鹿茸散 治勞損尿血。發熱內熱。或寒熱往來。口乾作渴。

鹿茸炙 當歸 熟地黄自製 葵子炒

補黃炒 續斷酒炒各等分 右為末每服二錢酒調日服

髮灰散 治起居所傷小便尿血。或忍尿脬轉。臍下急痛小便

不通。又治肺疽心衄。內崩吐血。舌上出血。用亂髮燒灰。本草云能

療瘀血通關隔利水道破癥瘕癰腫痲疝刺痛注雜瘡療脬轉通大小便止咳嗽鼻衄

右每服二錢以米醋湯調服。

生地黄散 治血熱小便出血。

生地黄二錢 黃芩炒五錢 阿膠炒 柏葉炒各一錢

婦人良方 薛氏醫案卷之八

右水煎服

當歸散 治血分有熱小便出血或時尿血

當歸

羚羊角 鈔

赤芍藥 各半

生地黄

刺薊葉

各一錢

右水煎服

又方治血分有熱用生地黄杵取汁每用一小盞日三服

又方治血分有熱小便尿血用炒蒲黃末每服二錢溫酒調下

滾湯亦下

又方腎虛鹿角膠二兩炙黃為末作二服長流水調

附方

八珍散

加味逍遙散

歸脾湯

三方見二十四卷第四論

子苓丸 方見十二卷第六論

清胃散 方見二十四卷第一論

四君子湯

補中益氣湯 二方見二十四卷第六論

婦人大便不通方論第六

夫大便不通者。由臟腑不調。寒熱之氣結於腸胃。或經水過多。內亡津液。宜用三腕散。或四物加青皮。或七宣丸。麻仁丸。選而用之。

愚按前症。或大腸津血乾涸。或血虛火鑠。不可計其日期。飲食數多。必待腹滿脹。自欲去而不能者。乃用猪膽汁潤之。若妄服苦寒辛散之劑。元氣愈傷。或通而不止。或成中痞之症。大抵血虛火燥。用加味逍遙散。氣血俱虛。用八珍湯。燥藥傷。

血用四物連翹甘草剋伐傷氣用四君川芎當歸內熱作渴  
飲湯脈實用竹葉黃芪湯內熱作渴飲冷脈澀用四物送潤  
腸丸肝膽剋脾土而不能輸送用小柴胡加山梔郁李仁腸  
胃氣虛而不能傳送用補中益氣加芍藥厚味積熱而秘結  
用清胃散加芍藥其有熱燥風燥陽結陰結皆不宜損中氣  
治者審之

附治驗

一婦人痰喘內熱大便不通兩月不寐脈洪大重按微細此  
屬肝肺腎虧損朝用六味丸夕用逍遙散各三十餘劑計所  
進飲食百餘碗腹始痞悶正前所謂血虛火鑠也以猪膽汁  
導而通之用十全大補湯調理而安

通神散 治大便秘實熱不通其證心腹脹痛手不得近心胸煩

悶而欲飲食者。

大黃炒

芒硝

檳榔

桃仁打

郁李仁

湯浸去皮微炒各一兩

右為末。每服二錢。粥。

大麻仁丸

治腸胃風結。大便常秘。而欲飲食者。

大麻仁

別研如膏

大黃

炒各二兩

檳榔

木香

枳殼

一兩

右為末。入麻仁。煉蜜丸。桐子大。每服二十九。溫水下。

卓角丸

治大腸經有風。大便秘結而不堅實者。

卓角

灸去子

枳殼

等分

右為末。煉蜜丸。桐子大。每服七十九。空心米飲下。

蘇麻粥。順氣滑腸。用紫蘇子。麻子仁。水研取汁。煮粥食之。

潤腸丸

治伏火風熱。大腸乾燥。若因失血。或因腎虛。當滋腎。

水最忌此丸

麻子仁

桃仁

去皮尖另研各一兩

羌活

當歸尾

大黃煨

皂角仁

秦艽

各五錢

右另研為末煉蜜丸每服五十丸空心白湯送下如直腸乾澀用猪膽汁導之亦忌前藥。

附方

加味逍遙散

八珍湯 二方見二十四卷第四論

補中益氣湯

四物湯

四君子湯 三方見二十四卷第六論

竹葉石膏湯 方見十三卷第十論

正柴胡湯 方見三十四卷第二論

清胃散 方見三十四卷第一論

瘡科竹葉黃芪湯 方見三十四卷第四論

○婦人老弱風人便秘戒用利藥方論第七

初虞世云肺主氣肺氣不降則大腸不能傳送宜用杏仁枳殼訶子等藥若老弱風人津液短少大便秘澀用胡麻杏仁麻仁阿膠阜角之類每見用駛利之藥大便雖通精血復傷反致他病一男子病風淫末疾或用駛藥利之患肺痿咯膿血至大便不通而死惜哉

愚按前症若胃強脾弱津液不得四布但輪膀胱小便數而大便難者用脾約丸若陰血枯槁內火燦灼脾肺失傳大便秘而小便數者用潤腸丸此丸若用之於熱甚氣實與西北



稟厚者無有不効。若用於東南及虛熱而氣血不足者，則脾愈弱而腸愈燥，反致虛痞矣。此東垣先生之治法也。其搜風順氣丸，中貴及西北人用之多効，東南人用之無不致害。

### 附治驗

一老婦大便欲去而難去，又不堅實，脹內或如故，或作脹兩關尺脈浮大。余以為腸胃氣血虛弱，每服十全大補湯，加肉蓯蓉，去後始快。若間二三日不服，腹內仍脹，大便仍難。

搜風順氣丸 治痔漏腸風風熱閉結元氣克實者

車前子 一兩 五錢 大麻子 錢炒 大黃 五錢半 生半熟 牛膝 酒浸

郁李仁 湯泡 兔絲子 酒浸 曬為末 右

枳殼 炒

山藥 各二錢

右為末，煉蜜丸，桐子大，每服十九，空心白湯送下。

子和脾約丸

麻仁一兩二錢半

枳殼炒

厚朴薑製

芍藥各一兩

大黃四兩

杏仁去皮尖炒

右為末。入杏仁膏煉蜜丸。梧子大每服三二十九空。心用滾

湯送下。丙杏仁研爛。

婦人泄痢秘結方論第八

經云春傷於風夏必飧泄蓋木刑土也。土不能滲泄則木氣勝故津液燥而秘不可專以風治張氏母年七十患痢頻數腰脚拘攣百方不愈用蒺藜酸棗仁治之即愈黃魯直苦秘結亦用前藥而愈故受症有不同也

愚按前症若因足三陰虧損發熱作渴胸腸不利飲食善消面帶陽色脈洪而虛肢體倦怠者用補中益氣湯六味地黃

丸。脾肺氣虛補中益氣湯。脾經鬱結用加味歸脾湯。氣血俱虛者。八珍加肉蓯蓉。腎經津液不足者。六味地黃丸。胃火消鑠。津液竹葉黃芪湯。肝木侮脾土。小柴胡加山梔郁李仁枳殼。膏粱積熱。清胃散加山梔郁李仁枳殼。若燥在直腸。用猪膽導之。

附治驗

一老婦大便月餘不通。痰喘內熱不得就枕。脈洪大重按微細。朝用六味丸。夕用逍遙散。各五十餘劑。計進餘食百餘碗。小復始悶。此火燥而消鑠也。以猪膽汁潤之。用上全大補而安。後仍不通。用八珍倍加蓯蓉常服而通。

治風入大便或秘

阜莢子

三百粒破作兩片。燉火炒燥入酥。棗十又炒燥。又八兩至焦黑。為度。

右爲末。蜜丸。桐子大。每服三十丸。煎蒺藜酸棗仁湯。空心下。良。八未利。再服。漸加至百丸。以通爲度。

蒺藜湯用蒺藜炒。柝。去刺三兩。酸棗仁炒香一兩。每用五錢水。

一盞煎七分。去滓送下。前丸。

大五柔丸。治臟氣不調。大便難利。或爲秘結。堅便。

大黃飯上蒸 枳殼去穢 白芍藥木 葶藶炒爲末

牛脂熬油 菴蓉酒浸焙 桃仁百枚去皮尖研 杏仁四十枚去皮尖炒黃別

柝右和勻 煉蜜丸。桐子大。米飲下。三十丸。日三服。爲度。

二仁丸。安康郡太守。苦風秘。予處此方。用之甚効。

杏仁去皮尖 麻仁別研 枳殼去穢 訶子炒去皮

右用煉蜜丸。桐子大。每服二三十丸。溫水下。未利增之。

蜜丸法。用好蜜四五兩。石器中。微火熬。不住手攪。候可丸。以蛤

粉塗手捏如指長三寸許入大孔內以手掩良久即通未通  
再作文潞公泄利求速効用石脂龍骨等藥便秘累日甚苦  
余告曰此燥糞在直腸藥所不及請以蜜導之下結糞四五  
十枚而愈

通氣散 治虛人憂怒以致傷肺與大腸不能傳送

陳皮

蘇葉

枳殼麩炒

木通各一錢

右水煎服

皂角丸蘇麻粥亦佳見前

附方

補中益氣湯 方見二十四卷第六論

六味丸 方見二十四卷第十二論

加味歸脾湯

八珍湯

逍遙散

加味逍遙散

十全大補湯

五方見二十四卷第四論

竹葉黃芪湯

方見二十四卷第二論

小柴胡湯

方見二十四卷第二論

清胃散

方見二十四卷首論

○婦人泄瀉方論第九

論曰。泄瀉之症。因腸胃虛冷。而邪氣乘之。經云。春傷於風。夏必  
飧泄。蓋風傷肝。肝木旺。而剋脾土。屬外因也。若七情不平。臟氣  
受傷。屬內因也。若飲食生冷。傷脾。屬不內外因也。大法寒者溫  
之。熱者涼之。滑者澀之。濕者燥之。

愚按前症若生冷所傷用六君木香砂仁辛熱所傷用二陳炒連山梔麩食所傷用六君神麩米食所傷用六君穀蘖飲食不時而傷用四君子湯飲食過多而傷用六君子湯飲食停滯人參養胃湯脾氣虛弱者六君升麻柴胡脾氣虛寒六君木香炮薑肝木乘脾者六君柴胡芍藥肝火剋脾者六君芍藥山梔中氣虛而下陷者補中益氣湯鬱結傷脾者濟生歸脾湯腎氣虛者五味子散脾氣虛者二神丸脾腎虛者四神丸命門火衰者八味丸真陽虛敗者固真丸仍與滯下方參用

附治驗

侍御沈東江之內停食腹痛作瀉以六君加木香炮薑而愈後復作傳爲腎泄用四神丸而安

侍御徐南湖子。室瀉屬腎經不信余言專主滲泄以致不起  
一婦人年踰五十不食夜飯五更作瀉二十年矣後患痢午  
前用香蓮丸午後用二神丸各二服而痢止又以二神丸數  
服而食夜飯不月而形體如故

吳江史玄年母素有血疾殆將二紀平居泄瀉飲食少思面  
黃中滿夏月尤甚治血之藥無慮數百劑未嘗少減余以爲  
脾腎虛損用補中益氣湯送二神丸復用十全大補湯煎送  
前丸食進便實病勢頓退若泥中滿忌參朮痰痞忌熟地便  
泄忌當歸皆致誤事。

桂香丸 治虛寒滑泄腹痛或嘔吐不食手足逆冷

附子 炮

肉荳蔻

丁香

桂心

白茯苓

各一兩 木香 炮

白乾薑

炮各兩半



右為末。米糊丸。桐子大。每服五十丸。空心米飲下。

胃苓散 治脾胃所傷。吐瀉不止。水穀不分。即五苓散合平散。

右每服五七錢。用薑棗水煎。空心服。仍節飲食。

木香散 治臟腑虛寒。下泄。米穀。口舌生瘡。或嘔吐不食。

木香 煨

破故紙

炒各一兩

良薑

縮砂

炒

厚朴

製各三錢

赤芍藥

炒

橘紅

桂心

白朮

各半兩

胡椒

吳茱萸

泡各一錢

肉苳蔻

煨

檳榔

一箇

右為末。每服三錢。用猪肝四兩。批薄。以藥摻拌。量入水醋鹽

葱薑黃乾。空心頓食。或丸桐子大。每服百丸。粥飲下。日三服

○府博趙宜人。患泄瀉。諸藥無效。診之曰。此肝腎虛也。服前

散而愈。經曰。洩痢前後不止。腎虛也。又曰。諸厥固泄。皆屬於

下下謂下焦肝腎之氣也。門戶束要，肝之氣也。肝氣厥而上行，故下焦不能禁固而泄痢。腎為胃關門戶，不妄故倉廩不藏也。

香連丸 治痢疾并水瀉暑瀉腹痛不問赤白神效。

黃連

淨二兩

吳茱萸

去枝梗十兩

右先將二味用熱水拌和入磁器內置熱湯頓一日同炒。至黃連紫黃色去茱萸用連為末每末四兩入木香末一兩淡醋米飲為丸桐子大每服二三十丸滾湯下久痢中氣下陷者用補中益氣下中氣虛者用四君子下中氣虛寒者加薑桂三黃丸 治熱痢腹痛或口舌生瘡咽喉齒痛及一切實火之

黃芩

黃連

黃柏

各炒等分

右各另為末水糊丸桐子大每服七八十丸白湯下

芍藥湯 治熱痢便血後重經曰澀而便膿血此氣行而血止

也。行血則便自愈。調氣則後重自除。

芍藥炒一兩

當歸

黃連炒各半兩

檳榔

木香

甘草炙各二錢

桂二錢五分

黃芩炒五錢

右每服半兩。水煎。如不減。加大黃。此症多有因中氣虛弱。脾

氣鬱結者。治當審察。

二神丸

加五味二兩吳茱萸黃四兩名四神丸

治脾腎虛弱侵晨五更作瀉或全不

思食或食而不化大便不實神效。

破故紙炒四兩

肉豆蔻生二兩

右為末用大紅棗四十九枚。生薑四兩。切碎。同棗。用水煮熟。

去薑取棗肉和藥在桐子大。每服五十九。空心鹽湯下。

五味子散 治腎經虛弱。大便不實。或夜間或五更泄瀉。

五味子兩 吳茱萸半兩

右為末每服二錢空心米飲調下其効如神米糊為丸亦可

白朮為藥湯 治脾經受濕 水泄注下 體重腹滿 形體倦怠不

欲飲食或暴泄無數水穀不化

白朮炒

芍藥炒各二錢

甘草炒一錢

右水煎服

茯苓湯 治濕熱泄瀉或飲食傷瀉

白朮炒

茯苓各五錢

右用水煎食前服一方有芍藥等分名白朮故

溼濕湯 治寒濕所傷身重腰冷加坐水中或小便秘澀大便

澹泄此症多因坐臥濕地或陰雨所襲而致

蒼朮

白朮炒

甘草炒各一兩

乾薑炮

茯苓各二兩

陳皮一兩

丁香各二錢半

婦人良方  
右每服四五錢，棗水煎。

防風芍藥湯 治殮泄身熱，脉弦腹痛及頭痛。

防風芍藥

黃芩炒各二錢

右用水煎服

六君子湯

四君子湯

補中益氣湯 三方見二十四卷第六論

人參養胃湯 方見七卷第十八論

十全大補湯

濟生歸脾湯 二方見二十四卷第四論

八味丸 方見二十四卷第十一論

東垣補真丸 方見七卷第三論

婦人協熱下痢方論第十

論曰。下利赤黃。米穀不化。作渴嘔逆。小便不利。心胸煩躁。脈虛大而數。此胃經虛熱。津液不分。併於大腸所致。先用五苓散。次用玉粉丹。四味阿膠丸主之。

愚按前症若胃氣虛弱。用補中益氣湯。肝木侮脾。土用六君子湯。藟結傷脾。土用歸脾湯。命門火衰。用八味地黃丸餘察各論主之。

### 附台驗

一婦人五月間患痢。日夜無度。小腹墜痛。發熱惡寒。余以爲脾氣虛弱。用六君子湯。送香連丸二服。漸愈。仍以前湯送四神丸四服。全愈。至七月終。怠情嗜臥。四肢不收。體重節痛。口舌乾燥。飲食無味。大便不實。小便頻數。灑淅惡寒。悽慘不樂。此肺之脾胃虛。而陽氣不伸也。用升陽益胃湯而痊。

玉粉丹

蛤粉

硫黃等分

石為末。米糊丸。桐子大。每服五十九。用米飲下。

四味阿膠丸

黃連炒

赤茯苓二兩

芍藥炒三兩

阿膠炒煨一兩

右為末以醋丸。桐子大。每服三十九。食前米飲下。

附方

補中益氣湯

六君子湯二方見二十四卷第六論

歸脾湯方見二十四卷第四論

八味丸方見二十四卷第十一論

婦人滯下方論第十

經云春傷於風夏生飧泄。蓋風喜傷肝。然春時肝木反剋脾土。以致滯下。赤白裏急。後重。先服神朮散。次用五苓散之類。煩渴腹痛。小便赤澁。脈洪數爲熱。用白頭翁湯之類。脈虛弱爲伏暑。用香薷散之類。如風邪下血。用胃風湯。腹痛嘔逆。手足俱冷。六脈微細。爲臟腑虛寒。急服四順附子湯。灸氣海。丹田二穴。久痢腸滑。用理中湯。加肉果訶子。或十全大補湯。加木香肉果之屬。若一方一郡所患相類者。乃屬疫症。

愚按東垣云。大陰經受濕水瀉。變膿血。脾傳於腎者。謂之賊邪。難愈。先痢而後瀉者。謂之微邪。易痊。若厥陰經下痢。脈沉遲。手足厥逆。用麻黃小續命湯。汗之。若身冷自汗。小便自利。脈微嘔吐。用漿水散。溫之。若脈疾身動。下迫聲響。用白朮芍藥湯。脈沉身靜。飲食不入。用薑附湯。身體沉重。四肢不舉。用



木附湯。竊謂前症若飲食停滯。用六君子湯。以補脾胃。消飲食。若胃氣下流。用補中益氣湯。以補脾胃。升元氣。若風傷腸胃。宜用神木散。以補脾胃。解外邪。若痰積中焦。宜用六神丸。以補脾胃。化痰滯。大凡脾胃虛弱。宜補中氣。調飲食。

附治驗

一老婦食後因怒患痢。裏急後重。肛門脫下。此脾氣下陷。用大劑六君。加附子肉蓯煨木香各一錢。吳茱五分。骨脂五味各一錢五分。二劑諸症悉退。惟小腹脹悶。此肝氣滯於脾也。與調中益氣加附子木香五分。四劑而愈。後口苦覺鹹。此腎虛水泛。與六味地黃丸二劑。頓愈。又以飲食失宜。大便不實。四肢逆冷。此脾胃復傷。與六君加附子五分。及八味丸而愈。先太宜人。仲夏患痢。腹痛去後無度。煩渴飲湯。手按腹痛稍

止脉鼓指而有丸。此真氣虛而邪氣實也。急用人參五錢。白朮茯苓各三錢。陳皮炙草附子升麻各一錢。服之即睡覺而索食。脉症頓退。再劑而安。此取症不取脉也。其時同患是症服痢藥者。俱致不起。惜哉。

神木散 治春傷於風。夏生殄泄。或傷風頭痛。項背拘急。鼻流清涕。

蒼朮

炒二錢

藁本

川芎

各一錢

羌活

粉草

炒一錢五分

細辛

五分

右用薑水煎服。欲發汗加葱頭。

四順附子湯

生附子

去皮

白乾薑

炒

甘草

炒

人參

各一兩

右每服四五錢。水煎。吐瀉腹痛。加肉桂半兩。小便不利。加茯苓半兩。若體寒自汗。手足逆冷。六脉虛弱。背寒面垢。或面如

塗油。齒乾煩悶躁渴引飲此為伏暑。宜用小柴胡湯五苓散酒蒸黃連丸。

加減參附湯 治寒痢。陽氣脫陷。嘔吐不食。手足俱冷。

大附子 炮

大人參 各一錢

丁香 十五粒

右用薑十片。米一撮。水一鍾煎服。如不應再加之。

治禁口痢甚妙。石蓮肉為末。每服二錢。陳米飲調下。又方。乾山藥。半生。半炒。黃為末。不拘時用米飲調下。

附方

胃風湯 治風冷乘虛客於腸胃以致水穀不化泄瀉注下。或

腸胃濕毒下如豆汁。或下瘀血。

人參

白茯苓

芎藭

肉桂

當歸

白芍藥 炒

白朮 炒各等分

右每服三錢入粟米數粒水煎空心食前熱服

水煮木香丸 治久痢裏急後重日夜無度其効如神

罌粟殼去穰 青皮去白 甘草炒 訶子炮去核  
三兩 兩四錢 兩 兩四錢

當歸 木香各六兩

右為末煉蜜丸彈子大每服一丸水煎化空心服

戊巳丸 治胃經受熱泄痢不止或飲食不入腹痛不止

黃連炒 吳茱萸去便 白芍藥各五兩

右為末麩糊丸桐子大每服三十丸米飲食前下

真人養臟湯 治下痢赤白裏急後重腹痛脫肛

粟殼蜜炙 人參 白木 肉桂  
兩六錢 六錢 六錢 八錢

當歸 訶子皮 木香 肉豆蔻  
六錢 一兩 二兩 二兩 四錢 半兩

白芍藥 甘草  
兩半 八錢

婦人良方 卷之八

右每服四錢用水煎。臟寒加附子一兩。

升陽除濕防風湯。如大便閉塞。或裏急後重。數至圜而不能便。或有白膿。或兼下血。此鬱結而不通也。以此湯舉其陽。則陰氣自降矣。慎勿利之。

蒼朮

米炒浸  
四錢

防風

二錢

白朮

炒

白茯苓

白芍藥

炒各  
一錢

先將蒼朮用水一鍾半煎至一鍾內。諸藥同煎至八分。食前熱服。夫飲食入胃。其氣上升。輸精。心肺然後下降。若脾胃有傷。不能上升。下流腎府。而成泄利。法宜升補中氣。不可踈下。此東垣發前人所未論也。

調中益氣湯。夫脉弦洪緩而沉。按之中下不得。一澁其證。四肢滿閉。肢節煩疼。難以屈伸。身體沉重。煩心不安。忽肥忽瘦。四肢懶倦。口失滋味。大小便清利而數。或上飲下便。或大便澁。

滯夏月。飧泄。或便後見血。或下白膿。胸滿短氣。咽膈不通。嗜睡無力。飲食少思。方是四卷第五論

麻黃續命湯

防風

杏仁

去皮尖

麻黃

去節

人參

黃芩

炒

甘草

芍藥

防已

肉桂

附子

炮去皮 臍五錢

右每服半兩用薑水煎

白朮芍藥湯

治太陰脾經受濕。水泄注下。體重微滿。困弱無

力。不欲飲食。或暴泄無數。水穀不化。宜此湯和之。

白朮

炒

芍藥

炒各一兩

甘草

炒五錢

右每服一兩水煎

漿水散

治暴利如水。周身汗出。一身盡冷。脉微而弱。氣短難

言甚者吐血。此為惡病。急用此藥。緩則不救。

半夏

一兩 炮能

附子

半兩 炮

乾薑

一作乾 生薑

肉桂

甘草

炙各五錢

良薑 二錢

右為末。每服三五錢漿水煎和滓熱服。不應加之

薑附湯 治霍亂轉筋。手足厥冷。或吐逆身冷。脈微急。用此藥

救之

乾薑 一兩

附子 一箇 右每服半兩水煎

木附湯 治下痢。脾氣脫陷。肢體不動。汗出身冷。氣短喘急。或

嘔吐不食等症。須急用之。

白朮

生附子 須用好者

右為末。每服五錢薑棗水煎。和粗服。如不應。倍用之。

六神丸 治食積。赤白痢疾。或腹痛不食。或久而不止。

神麩 為糊

麥芽 炒

茯苓

枳殼 麩炒

木香 煨

黃連 炒赤各等分

右為末。用神麩糊丸。桐子大。每服五十丸。白湯送下。

香連丸 方見前

六君子湯

補中益氣湯 二方見二十四卷第六論

五苓散 方見二十一卷第十論

六味丸

八味丸 二方見二十四卷第十一論

○婦人痢後嘔噦 方論第十二

滯下咳逆嘔逆古人謂之噦此胃氣虛寒之危症也用橘皮乾

薑湯半夏生薑湯丁香柿蒂湯熱證欬逆用小柴胡湯橘皮竹

茹湯嘗治一痢欬逆脉沉弱投退陰散兩服而愈又一痢後咳

逆灸期門穴三壯而愈 其穴在第六卷

愚按東垣云如泄痢而嘔者胃氣不和也上焦不和用生薑



橘皮湯中焦不和用芎歸桂苓下焦不和而寒治以輕劑熱甚而治以重劑亦有胃火上衝而嘔者有積滯而嘔者有陰虛而嘔者丹溪云下痢吃逆自下衝上屬火之象古方悉以胃弱言之殊不知胃弱者脾陰弱也故久病變之乃胃弱脾寒之危症用半夏一兩生薑半兩或理中湯加枳殼茯苓半夏不效更加丁香柿蒂各十枚胃熱咳逆用橘皮竹茹湯別病忽然而致半夏茯苓湯加枳實半夏木香調氣散最佳

附治驗

一婦人痢後嘔噦服降火化痰等劑愈甚脈洪大按之虛細作渴飲湯諸藥到口卽嘔余以爲脾胃虛寒不能司納以參朮炮薑末各一錢以飯作丸米飲不時過三五粒至三兩許聞藥不嘔乃以六君加炮薑三十飲劑而安

一婦人患前症。飲食小思。胸腹膨脹。大便不實。所見之症。悉屬虛寒。假熱。遂朝用補中益氣湯。加炮薑木香。夕用六君子送四神丸。漸愈。又用八味丸。料煎送四神丸而痊。

一婦人因怒嘔噦。時或昏憤。口噤。或時舉體肉動。其面色或青或赤。余以為肝火熾盛。脾土受傷。用小柴胡湯。加山梔。釣藤治之。漸愈。又用加味歸脾逍遙二藥調理而痊。

橘皮乾薑湯 治胃寒嘔噦不食。或吐痰腹痛兼瀉。

橘皮

通草

乾薑炒

桂心

甘草炒

人參

右水煎服

橘皮竹茹湯

治噦逆

橘皮

竹茹

甘草炒

人參

半夏

右薑棗水煎

婦人... 幸... 卷之八... 卷三百天

猪苓湯 治咳而嘔渴。心煩不得眠。

猪苓

赤茯苓

澤瀉

阿膠炒

滑石各一錢

右水煎服

半夏湯

治噦欲死

半夏一兩

生薑切二兩

右水煎為二服

丁香柿蒂湯

治欬逆

丁香十粒

柿蒂十五箇

右水煎熱服

生薑橘皮湯

治嘔噦手足厥冷

橘皮一錢

生薑四錢

右水煎服

退陰散

治陰毒傷寒手足逆冷。或咳逆不止。脉沉細。頭痛腰

重。急進三服。若傷冷。每服一字。入正元散內同煎。入鹽一捻。

乾薑炮

川烏炒黃

右每服

錢鹽一捻水煎

倉廩湯

治痢疾心煩手足溫頭痛此熱毒上衝宜用此湯

敗毒散每服四五錢入陳倉米百粒薑五片棗一枚煎若脉微弱或胸腹虛脹手足厥冷或因服罌粟烏梅過多以致作嘔者宜用生藥半生半炒為末米飲調下日二三服

附方

木香調氣散

治氣滯嘔吐或胸膈不利心腹刺痛飲食不思

木香

白豆蔻

丁香

檀香各二兩

藿香

甘草

炒各六兩砂仁四兩

石為末每服二錢白湯調服

半夏茯苓湯

方見十二卷第三論

補中益氣湯

竹葉石膏湯

六君子湯

三方見二十四卷第六論

八味丸方見二十四卷第十一論

婦人大便下血方論第十三

婦人臟腑損傷風邪所入以致大便下血或如豆汁或腹中作痛若糞後下血其來遠糞前下血其來近遠近者言病在上下也若面無血色時寒時熱脈浮弱按之如絲者是前症也

愚按前症或飲食起居或六淫七情失宜以致元氣虧損陽絡外傷若膏梁積熱加味清胃散怒氣傷肝六君柴芍芎歸鬱結傷脾加味歸脾湯脾氣虛弱六君子湯思慮傷心妙香散大腸風熱四物側柏荆防枳殼大腸血熱四物丹皮柴胡中氣下陷補中益氣茯苓半夏心脾不能攝血必補脾肺之源舉下陷之氣

附治

一婦人下血不止面色痿黃四肢良冷此中氣下陷用補中益氣湯送四神丸數服而愈

光祿張淑人下血煩躁作渴大便重墜後去稍緩用三黃湯加大黃至四兩方應後用三黃湯又二十餘劑而愈此等元氣百中一二

韓地宮之內脾胃素弱因飲食停滯服剋伐之劑自汗身冷氣短喘急腹痛便血或用諸補劑皆不應余用人參炮附子各五錢二劑稍應却用六君子每劑加炮附子三錢四劑漸安又用前湯每加附子一錢數劑乃瘥

一婦人因怒胸痞飯食少思服消導利氣之藥痰喘胸腹大便下血余用補中益氣加茯苓半夏炮薑四劑諸症頓愈又用人參加柴胡炒梔全愈

一婦人瘀血腹痛便血見

加減四物湯 治腸風下血

側柏葉炒

荊芥

槐花炒

甘草

炒各五分枳殼麩炒

生地黃

當歸

川芎各一

右

黃芩煎

腸風黑神散

治腸風下血腹痛後重或

肝門脫出

敗棕燒

木饅頭燒

烏梅去核粉草

各

右水煎服

愚按前二症若病久中氣虛弱者必用

培補脾胃為主

地榆湯陰結便血

諸方

地榆四兩

甘草炒一兩

縮砂仁四十分

右每服三錢水煎

防風如神散

治風熱氣滯蠶後下血

防風

枳殼麩炒各

分

右每服三

錢水煎

愚按前二症若胃氣虛不能統血而下

用四君中氣下陷用

補中益氣湯脾氣鬱結用歸脾湯氣血

虛弱用八珍湯氣血

虛寒用十全大補湯

治久下血成片用頭髮燒灰每服一二錢

水調下

妙香散治心氣下血溫酒調下

附方

加味清胃散

方見二十四卷第六論

四君子湯

六君子湯

四物湯

補中益氣湯

四方見二十四卷第六論

八珍湯

加味歸脾湯

二方見二十四卷第四論



二神丸

四神丸

三黃丸

三方見前第八論

○婦人痔瘻方論第十四

婦人痔瘻因鬱怒風熱厚味膏粱所致其名有五肛邊如乳出膿者爲牝痔腫脹出血者爲牡痔痒痛者爲脉痔腫核者爲腸痔登廝出血者爲血痔治宜審之

愚按前症婦人多因胎產經行飲食起居六淫七情失調所致男子多因醉飽入房筋脉橫解精氣脫泄熱毒乘虛而患或入房強固其精木乘火勢而侮金或炙燻厚味陰虛燥熱宜涼血潤躁疎風潰後當養元氣補陰精不愈卽成痔漏有串臀串陰穿腸者其腸頭腫塊者濕熱也作痛者風也便燥

者火也。瀆膿者熱勝血也。大便作痛者潤燥除濕。肚門墜痛者瀉火導濕。小便滯滯者清肝導濕。經云因而飽食筋脉橫解。腸澼為痔。症屬肝腎不足。故用加味地黃及六味丸有效。慎勿敷毒藥及服寒涼之劑。

鼈甲散

治五種痔漏膿血淋漓或腫痛堅硬下墜

鼈甲

窩蜂房

蛇蛻

蝟皮

猪後懸蹄

立味燒存性各二錢

麝香

一分

右為末每服一錢空心生地黄煎湯調下更傳之

又方熱痛用寒水石朴硝為末以津調搽

附方

六味丸 方見二十四卷第十一論

加味地黃丸 方見二十四卷第六論

婦人脫肛方論第十五

夫脫肛者大腸之疾也大腸虛寒其氣下陷則肛門翻出或因產努力其肛亦然也

墨按前症若大腸濕熱用升陽除濕湯若血熱用四物條芩槐花血虛用四物白朮茯苓兼痔痛用四物槐花黃連升麻中風虛弱用補中益氣芍藥白朮中氣虛寒加半夏炮薑五味腎虛用六味丸虛寒用八味丸夫肺與大腸為表裏肛者大腸之門肺實熱則秘結肺虛寒則脫出腎主大便故肺腎虛者多有此症

附治驗

一婦人脫肛用補中益氣加味歸脾各百餘劑而愈後因分娩復脫仍以前藥各二百餘劑始愈

姚和衆以鐵粉傳之良聖惠方亦治陰脫陰墮

集驗方以生鐵三斤水一斛煮至五升取水洗日二次

孫真人用蝦蟆皮甌中燒烟熏功效玄微

一方用倍子煎湯洗以赤石指末摻上托人或脫長者以兩牀

相並中空尺許以磁甌盛湯令病人仰臥浸甌中逐日易之

收盡為度

附方

升陽除濕湯 自下而上者引而竭之

升麻 柴胡 防風 神麴炒 澤瀉

猪苓各半兩 蒼朮 一兩 陳皮 甘草 大麥蘖各三錢

右每服五錢水煎空心服胃寒腸鳴加益智仁半夏各半錢

薑棗同煎

四物湯

補中益氣湯 二方見二十四卷第六論

六味丸

八味丸 二方見二十四卷第十一論

婦人陰腫方論第十六

婦人陰腫因胞終素虛風邪客之乘於陰部血氣相搏故也

愚按前症若氣血虛弱用補中益氣湯舉而補之肝經濕熱

用龍膽瀉肝湯滲而清之若陰腫陰痒陰冷陰挺當與後論

互相參看

附治驗

一婦人陰中腫悶小便澀滯兩脇作腫內熱晡熱月經不調

時或寒熱此因肝脾鬱怒元氣下陷濕熱壅滯朝用歸脾湯

加柴胡升麻解鬱結補脾氣升元氣夕用加味道遙散清肝火在肝血除濕熱各數劑諸症悉愈又用四君芎歸母皮調補脾而經水如期

芎藭散 治月水澁滯陰間腫痛

芎藭

當歸各一兩

秦朮

二兩

石每服五錢入葱白

白礬散 治陰腫堅痛

白礬

半兩

甘草

半錢

大黃

二兩

右為末水和用棗大綿裹內陰中日兩換以愈為度

附方

補中益氣湯

方見二十四卷第六論

龍膽瀉肝湯

方見二十四卷第八論

婦人陰痒方論第十七

婦人良方 婦人陰痒爲三蟲在腸胃之間因臟虛而蝕陰中微則爲痒甚則爲痛也

愚按前症屬肝經所化當用龍膽瀉肝湯逍遙散以主其內  
外以桃仁研膏和雄黃末或雞肝納陰中以制其蟲

附治驗

一婦人胸膈不利內熱作渴飲食不甘肢體倦怠陰中悶痒

小便赤澁此鬱怒傷肝脾所致用歸脾湯加山梔而愈復因

怒患處并小腹胀痛用小柴胡加山梔芍藥止痛止用逍

遙散加山梔而愈又因勞役患處腫脹小便仍澁用補中益

氣加山梔茯苓丹皮而痊

一婦人陰內痛痒不時出水食小體倦此肝脾氣虛濕熱下

注用歸脾湯加丹皮山梔芍藥柴胡甘草主之而安

一婦人陰內痒痛內熱倦怠飲食少思此肝脾鬱怒元氣虧損濕熱所致用參芪歸木陳皮柴胡炒梔車前升麻芍藥丹皮茯苓而療若陰中有蟲痒痛亦屬肝木以桃仁雄黃研納陰中以殺之仍用清肝解鬱之藥有以雞肝納之者乃取蟲之法也

○一方搗新桃葉綿裹納陰中日三兩易

龜膽瀉肝湯

方見二十四卷第八論

逍遙散

方見二十四卷第四論

○婦人陰冷方論第十八

婦人陰冷因勞傷子臟風冷客之用五加皮乾薑丹參蛇牀子熟地黃杜仲各三兩鍾乳粉四兩天門冬一兩地骨皮二兩酒十五升漬二宿每服一盞空心食前飲之



愚按前症屬肝經內有濕熱外乘風冷所致若小便澀滯或  
小腹痞痛用龍膽瀉肝湯若內熱寒熱或經候不調用加味  
逍遙散若寒熱體倦飲食少思用加味四君子若鬱怒發熱  
少寐懶食用加味歸脾湯

附治驗

一婦人陰中寒冷小便黃澀內熱寒熱口苦脇脹此因肝經  
濕熱用龍膽湯祛利濕熱用加味逍遙散調補血氣而安  
一婦人所患同前更寒熱嘔吐兩股腫痛先用小柴胡加山  
梔一劑寒熱嘔吐頓止次用龍膽瀉肝湯一劑腫痛頓消  
一婦人陰中寒冷小便澄清腹中亦冷飲食少思大便不實  
下元虛寒治以八味丸月餘飲食漸加大便漸實又月餘諸

症悉愈

八味丸 治血弱 不能榮養臟腑津

風寒客於子臍以

致陰冷

愚按此丸果係肝脾腎虛殊有神効

附方

小柴胡湯 方見二十四卷第二論

龍膽瀉肝湯 方見二十四卷第八論

加味逍遙散

加味歸脾湯 二方 見二十四卷第四論

加味四君子湯 方 見二十四卷第六論

婦人陰挺下脫方論第十九

婦人陰挺下脫或因胞絡傷損或因子宮虛冷或因分娩所致

愚按前症當升補元氣為主若肝脾鬱結氣虛下陷用補中

益氣湯若肝火濕熱小便瀼滯用龍膽瀉肝湯

附治驗

一婦人陰中突出如菌四圍腫痛小便頻數內熱晡熱似痒似痛小便重墜此肝脾鬱結蓋肝火濕熱而腫痛脾虛下陷而重墜也先以補中益氣加山梔茯苓車前子青皮以清肝火升脾氣更以加味歸脾湯調理脾鬱外以生猪脂和藜盧未塗之而收

一婦人陰中挺出五寸許悶痛重墜水出淋瀝小便瀼滯夕與龍膽瀉肝湯分利濕熱朝與補中益氣湯升補脾氣諸症漸愈再煥歸脾湯加山梔茯苓黃柏開服調理而愈後因勞役或怒氣下部濕痒小水不利仍用前藥即愈

草麻仁文方如前症用麻子仁研塗頂中目吸人即洗去

附方

補中益氣湯 方見二十四卷第六論

龍膽瀉肝湯 方見二十四卷第八論

歸脾湯

加味歸脾湯 二方見二十四卷第四論

婦人陰中生瘡方第二十

竊謂前症乃七情鬱火傷損肝脾濕熱下注其外症陰中出如蛇如菌或如雞冠狀或生蟲濕痒或潰爛出水或腫悶墜痛其內症體倦內熱經候不調或飲食無味胸熱發熱或胸脇不利小便痞脹或赤白帶下小水淋漓其治法腫痛者四物湯加柴梔丹皮膽草濕痒者歸脾湯加柴梔丹皮淋瀝者龍膽瀉肝湯自木丹皮潰腐者逍遙散山梔川芎腫悶墜痛

者補中益氣湯。山梔丹皮佐以外治之法。

一婦人腐潰膿水淋漓腫痛寒熱小便赤澀內熱作渴肢體

倦怠胸脇不利飲食少思余以為肝脾虧損用補中益氣內

柴胡升麻各用一錢加茯苓一錢山梔二錢數劑少愈又與

歸脾湯加山梔川芎茯苓三十餘劑諸症悉退惟內熱尚在

再與逍遙散倍用山梔而愈。

一婦人素性急陰內痛小便赤澀怒而益甚或發熱或寒熱

此肝經濕熱所致用芎歸炒梔柴胡苓朮丹皮澤瀉炒芍車

前炒連生草數劑漸愈乃去黃連澤瀉又數劑全愈。

附方

四物湯

補中益氣湯一方見二十四卷第二

逍遙散

歸脾湯

一方見二十四卷第四論

龍膽瀉肝湯

方見二十四卷第八論

小柴胡湯

方見二十四卷第二論

○女人交接傷丈夫頭痛方二十一

愚按前症當用補中益氣六味地黃以滋化源為主

來復丹交接相傷四肢沉重頭痛昏暈米飲下

右每服五十九方見二十五卷第十論

附方

補中益氣湯

方見二十四卷第六論

六味丸

方見二十四卷第十論

○女人交接輒血出痛方第二十二

一婦人每交接出血作痛此肝火動脾而不能攝血用補中益氣濟生歸脾二湯而愈若出血過多而見他症但用前藥

調補肝脾

千金療交接血出

桂心

伏龍肝各等分

右為末酒服錢許

附方

補中益氣湯

方見二十四卷第六論

濟生歸脾湯

方見二十四卷第四論

婦人交接他物所傷方第二十三

一婦人交接出血作痛發熱口渴欲嘔或用寒涼之藥前症

益甚不時作嘔飲食少思形體日瘦余曰症屬肝火而藥復

傷脾所致也先用六君加山梔柴胡脾胃建而諸症愈又用

加味逍遙散而形氣復

△ 一婦人陰腫下墜。悶痛出水。胸腹不和。小便頻數。內熱晡熱。口苦耳鳴。此肝脾火症。用小柴胡。加車前。膽草。苓朮。升麻。二劑稍愈。又用加味逍遙。加升麻。數劑漸愈。乃以加味歸脾。加升麻。柴胡。并補中益氣。加山梔。數劑頓愈。仍用加味逍遙。加味歸脾。二藥調理全愈。

△ 一婦人患前症。熱痛。或用寒涼。敗毒藥。飲食不入。時欲作嘔。小腹重墜。余謂此脾胃復損。元氣下陷。先用補中益氣。加炮薑。二劑重墜頓愈。又加茯苓。半夏。二十餘劑而愈。乃以歸脾湯。少加柴胡。升麻。并六味。地黃丸。而康。

△ 又方。割雞冠血。塗之。以赤石脂末。摻之。五倍子末。亦良。

附方



六君子湯

補中益氣湯 二方見二十四卷第六論

加味逍遙散

加味歸脾湯

歸脾湯 三方見二十四卷第四論

六味丸 方見二十四卷第十一論

○婦人小戶嫁痛方第二十四

△愚按前症當從二十一論互相主治

千金方療小戶嫁痛

甘草

生薑 各五分

白芍藥 四分

桂心 二分

右以酒二升煎三四沸服

又方海螵蛸燒為末酒服

方寸七日三服△又方小麥甘草等分煎湯洗甚效 八卷終

婦人良方卷之九

薛氏醫按

臨川陳自明編 吳郡薛 已註

新都 閔道政校

求嗣門

疾病既無須知求嗣故以次之

○陳無擇求子論第一

有夫婦則有父子婚姻之後必求嗣續故古人謂不孝有三無後為大者言嗣續之至重也凡欲求子當先察夫婦有無勞傷痼疾而依方調治使內外和平則有子矣

○愚按丹溪先生云人之育胎者陽精之施也陰血能攝之精成其子血成其胞胎孕乃成今婦人無子者率由血少不足以攝精也血之少也固非一端然欲得子者必須補其精血使無虧欠乃可以成胎孕若泛用秦桂丸之劑薰戕臟腑血

氣沸騰。禍不旋踵矣。竊謂婦人之不孕。亦有因六淫七情之邪。有傷衝任。或宿疾淹留。傳遺臟腑。或子宮虛冷。或氣旺血衰。或血中伏熱。又有脾胃虛不能營養衝任。審此更當察其男子之形質。虛實何如。有腎虛精弱不能融育成胎者。有稟賦元弱。氣血虛損者。有嗜欲無度。陰精衰憊者。各當求其原而治之。至于大要。則當審男女之尺脈。若左尺微細。或虛大無力者。用八味丸。左尺洪大。按之無力者。用六味丸。兩尺俱微細。或浮大者。用十補丸。又巢氏謂夫妻年命克。劫墳墓不利者。理或有之。若誤用辛熱燥血。不惟無益。反受其害。今以

生育病愈後。得子者。附于左。

治驗錄見醫學編目求編部

一婦人月經淋瀝愈而生子。見一卷月水不斷

一人患陽氣虛寒愈而生子見五卷合勞第四症

一婦人患結核愈而生子見二十四卷結核類第三症

一婦人稟弱經行腹痛愈而生子見十卷經行腹痛

一婦人素虛弱患鶴膝風愈而生子見二十四卷膝風

一婦人患癩癧愈而生子見二十四卷癩癧第一症

一婦人患癩唇愈而生子見二十四卷癩癧第一症

○褚尚書求男論第二

建平孝王妃姬皆麗無子擇民家未笄女子入御又無子問曰求男有道乎澄對曰合男女必當其年男雖十六而精通必三十而娶女雖十四而天癸至必二十而嫁皆欲陰陽完實然後交而孕孕而育育而子堅壯強壽今未笄之女天癸始至已近男色陰氣早洩未完而傷未實而動是以交而不孕孕而不育

而子脆不壽。此王之所以無子也。然婦人有所產皆女者。有所產皆男者。大王誠能訪求多男婦人。至宮府。有男之道也。王曰善。未再期生六男。夫老陽遇少陰。老陰遇少陽。亦有子之道也。

○無子論第三

夫無子者。其因有三。一墳墓風水不利。二夫婦年命相剋。三夫婦疾病墳墓不利。年命相剋。此非藥力可致。若夫婦疾病。必須藥餌。然婦人無子。或勞傷血氣。或月經閉澁。或崩漏帶下。右尺浮則爲陽絕。或尺微瀆。或少陰脉浮緊。或尺寸俱微弱者。皆致絕產。若調攝失宜。飲食不節。乘風襲冷。結於子臟。亦令無子也。

○千金翼求子方論第四

論曰。婦人之居。幽閨類多血氣不調。胎妊生產崩傷之異。此之男子十倍難療。其或七情失宜。或飲食無度。或胎瘡未愈。而人

合或登廁風入陰戶便成痼疾若欲求子交感之時必天日晴明神思清爽氣血諧和與天德福德相合夫婦本命五行相生并本命帝旺而生者則壽而賢否則不可得也

○交會禁忌第五

凡求子宜吉良日交會當避丙丁及弦望晦朔大風雨霧寒暑雷電霹靂天地昏冥日月無光虹蜺地動日月薄蝕及日月火光星辰神廟并竈圍廁冢墓屍柩之物若交會受胎多損父母生子殘疾天柱愚頑不孝若交會如法則生子福德智慧驗如影響可不慎哉

○男子受胎時日法第六

凡男女受胎皆以婦人經絕一日三日五日爲男仍遇月宿在貴宿日若以經絕後二日四日六日瀉精者皆女過六日皆不

成胎又遇旺相日尤吉夜半入房生子者賢明貴壽餘時皆凶

○推支干旺相日法第七

春甲乙夏丙丁秋庚辛冬壬癸春寅卯夏巳午秋申酉冬亥子

○推每月宿日第八

正月

初一初六初九初十一十二十四二十一二十四二十九

日

二月

初四初七初八初九初十一十二十四十九二十二二十七

三月

初一初六初七初八初十一十二十五

四月

初三初四初五初六初八初十十五十八二十二二十八日

五月

初一初二初三初四初五初六初十十二十三十五十六二十二十五二十八二十九三十日

六月

初一初三初七十三十八二十三二十六二十七二十八二十九日

七月

初一十一十六二十一二十四二十五二十六二十七二十九日

八月

初五初八十三十八二十一二十二二十三二十四二十五



二十六日

九月

初三初六十一十六十九二十二十二二十三二十四日

十月

初一初四初九十四十七十八十九二十二二十三二十九日

十一月

初一初六十一十四十五十六十七十九二十六二十九日

十二月

初四初九十二二十四二十五二十七二十四二十七日

若春合甲寅乙卯夏合丙午丁巳秋合庚申辛酉冬合壬子癸

亥與上伴月宿日合者

○求子服藥須知第九

論曰夫人求子服藥須知次第男服七子散女服盪胞湯紫石

英門冬丸及坐導藥則無不效矣

七子散 主丈夫氣虛精氣衰少無子

牡荊子 五味子 兔絲子 車前子 菴蓂子

山藥 石斛 熟地黃 杜仲 鹿茸

遠志各八分 附子炮 蛇床子 川芎各六分 山茱萸

天雄各五分 桂心十分 白茯苓 牛膝 人參

黃芪各五分 巴戟針二 菴蓉七分 鍾乳粉八分

右為末每服錢許日二服酒調一方加覆盆子二錢

慶雲散 主丈夫陽氣不足不能施化

覆盆子 五味子各二 兔絲子升 白朮炒

石斛各三 麥門冬 天雄各九 紫石英二兩 桑寄生四兩

右為末食後酒服錢許日三服或米飲調冷去桑寄生加細

辛四兩陽事痿去石斛加檳榔十五箇

盪胞湯 治婦人全不產育

朴硝 牡丹皮 當歸 犬黃蒸一飯久 桃仁各三兩

細辛 厚朴 苦梗 赤芍藥 人參

伏苓 桂心 甘草 牛膝 陳皮各二兩

附子炮一兩半 黃蟲炒焦足 去 水蛭炒各十枚

右每服六錢酒水合盞半煎日三服夜一服少頃下血膿力

弱者用一二服惡物不盡方用坐導藥

坐導藥 治婦人全不產及斷續更服盪胞湯

皂角去皮一兩 吳茱萸 當歸 大黃 音礬各

戎塩 川椒各二兩 五味子 細辛 乾薑各三兩

一方無茯苓有葶  
蘇苦瓢各三分

欲小便去之一日仍易之如子宮有冷水天陰則痛須候下  
盡而止藥每日早晚用苦菜煎湯薰洗著藥後一日服紫石  
英丸

英丸

### 紫石英丸

紫石英 天門冬各三兩

紫葳 牡蒙各二兩

粉草半兩 桂心

川芎 卷柏

烏頭炮

熟地黃乾 辛夷仁

禹餘糧服醋碎

當歸

石斛各三兩 烏賊骨

牛膝 薯蕷各六分 桑寄生

人參 牡丹皮

乾薑 厚杜 續斷

食茱萸 細辛各五分

柏子仁二兩

右為末蜜丸桐子大每服二十九溫酒下

續嗣降生丹 治婦人五臟虛損子宮冷憊不能成孕

當歸 桂心 龍齒 烏藥 益智

杜仲 石菖蒲 吳茱萸各一兩半 茯神

牛膝 秦朮 細辛 桔梗 半夏

防風 白芍藥各三錢 乾薑二兩半

附子重一兩者作一錢 煖為赤煖為赤 川椒二兩 牡蠣二兩 童便四十九

日却用硫黃末一兩而 醋潤濕鹽泥固濟用炭煨赤

右為末用糯米糊丸桐子大每服三十九至百丸空心淡醋

△温酒鹽湯任下日二服及治男子精寒不固陽事衰弱白濁

夢泄婦人帶下寒熱諸虛百損盜汗氣短預服此藥者無不

感應

愚按前五方多慄悍之味治當審察所因不可輕用又秦桂

養真白薇茱萸地黃紫英石陽起石暖宮濟陰丹湯藥數方  
尤爲慄慄不可輕服未敢悉錄

賈禹鈞夜夢其亡祖父謂之曰汝緣無子且又不壽宜修善行  
自是佩服乃訓復夢祖父謂曰汝名掛天曹以有陰德特延算  
三紀胤錫五子悉皆榮顯

張慶司獄惟務方便年五十始生子時有一道人丐於門謂慶  
曰汝本無嗣今聞嬰兒聲非若子乎慶曰偶得一子道人曰信  
乎陰德未易量爾之積累善事非一朝一夕今不但有嗣又喜  
子孫文學之貴宜善保之後果如其言

馮商其妻每勸置妾商取一女已成聞其父因官纏運欠折鬻  
女以償之商惻然不忍犯更益以資裝送還其父明年生馮京  
後登狀元

○馬默未有嗣。知登州日，奏活沙門島罪人，不致枉死。一日夢中見符使挾一男女，乘空來其前，呼曰：爾本無嗣，以活人數多。上帝特賜男女各一，言訖不見。果如其言。

○時邦美之父老而無子，置一妾，對暗空悲泣，問之，乃曰：父卒於官，鬻妾欲辦喪耳。時遂攜金偕往其家殯葬而歸。未幾生邦美，後舉進士官至吏部。

○袁韶父爲郡吏，年五旬，置一妾，乃宦家女也。父歿，家貧鬻而歸。袁知其故，卽送還，更以囊資益之。明年生韶，旣長爲參知政事。

○馬涓之父無子，置一妾，聞其父喪，官所無力歸葬，故鬻此女。卽日訪其母而歸之，且厚資助。夜夢一羽衣曰：天錫爾子慶流涓。涓明年生一子，因名曰涓。旣長及第。

人之無嗣。或因丈夫陽氣之不足。不能施化。或因婦人陰血衰。憊自疾攻之。以致然也。故先賢立方垂訓。以啓後人。或者用計百端。妾媵無數。及皓首終身。不能如其意者。是皆心行有虧。非命也。苟能革心之非。所行向善。積德累功。施恩布惠。則上天之報施自然。慶流後裔。此溫隱居求嗣篇之所由作也。子嘗讀聖朝爲善陰騭書。因覽竇禹鈞等數人所履。皆言此事。歷歷可鑑。謹錄附贅于此。以爲求嗣者勸誠之一助云爾。

○溫隱居求嗣保生篇第十

昔東京焦公三世無嫡嗣。爲商旅遊翫名山。尋訪至人。問其因。至京都遇一老僧。聲清而神朗。談論甚異。焦怪而問之。曰。貧家三世無嫡嗣。奈何。僧曰。無嗣者有三。一祖宗無德。自身無行。二夫妻年命。恐犯禁忌。三精神不守。妾媵血寒。焦公曰。血寒有何



法術願聞一言僧曰先脩德後脩身三年之後到臺山當授異方說畢忽不見焦一遵其言後赴五臺見一行童手持一書言曰老師傳語大夫功成行滿賜方藥名續嗣降生丹依方服之當生富貴之子焦員外子生子不肖亦赴五臺見行童曰老師昨日見員外何必來問我但依爾父所行愚者自賢焦曰愚豈能賢乎行童曰昔竇氏五子皆不全形後行恩布德悉登科第焦氏拜謝而歸奉行剛板印施方書不及二十年子孫數人皆貴顯後人收得此行狀及方受持行用求藥者獲其子孫皆有德行余躬受此方不敢緘默併錄篇論以告諸賢庶不致異方湮沒耳

正統間合肥人羅某年六十無子因連坐謫保安州爲民將至居庸解者逃回羅赴闕自告或者曰放流絕域人所不堪今解

者既去君可無往也。羅曰：吾罪本爲人所累，使予歸復以此累人，吾不忍也。且皇法不可輕道，遂至州。夜有二盜疑其有所携，乃穿穴以取之。其妻覺，預置沸湯俟其入，則沃之。既穴二人，將入，羅起諭之，乃去。次日羅至市，忽有二人俯伏道傍，羅問之，乃夜穿穴者也。二人曰：吾輩相戲，幾被傷殞，賴公曉諭，二命得生。公所賜也。後羅凡出外，二人必爲之守護，未幾羅妻卒，妾生一子，任延安守。一女適隆慶衛指揮使王欽。

禮部尚書沈立齋云：有二老，一有子而富，一無子而貧，居址相鄰，因居高岡，岡其上有塋墓。二老欲掘墓開窰，以取利。貧者以告其妻，妻曰：岡後有墓，開以爲窰，不惟燒損地脉，壞人風水，且近墳穴不可爲也。遂已之。富者開岡見尸，則焚之。後見骸骨甚多，悉棄於水，因致巨富，乃起岑樓，以蓄財物。每夜家之眷屬皆

居於上。去其梯以示賊。不能犯。不意賊有劉六者。卒然晝至。家屬不及登樓者。則投井而死。其登樓者被焚而死。人以爲焚尸於火。棄尸於水之報也。其貧者後致巨富。生一子。益其家業云。弘治間。京師有黃剛者。因無子。每歲夏秋。修合痢疾藥。施之。忽鄰里於靜夜間。聞人言黃公積善久矣。送以一嗣。後果有子。

弘治間有張某。自太醫院恩生。仕至縣尹。老而無子。在縣篤於惜民。已而陞爲郡守。民深感其惠。在郡生子。亦德政之所致也。正德間。夏誠字純夫。吳江縣人。錦衣衛籍。中順天府鄉試。任武城縣尹。愛民甚篤。因忤上司。遂歸老於家。舊民到京者。懷其德。惠憐其清苦。莫不以財帛助之。垂老得子。後有繼其政者。甚豐歛。縣民於中途劫之。子女皆被其害。

黃善貧而無子。傭工爲業。富民倪五命其開窖取土。因鋤土見

尸棺以售土揜之乃從遠地擔土而歸後倪貧而黃富亦開窬  
視亦傭工於黃家黃甚惜之與之共食倪因患時瘧爲人憎棄  
遂投水而死黃聞之遂收其尸而殮之遂有子且繼其富作善  
降祥信不誣矣竊聞之書曰惠迪吉從逆凶惟影響又曰作善  
降祥作惡降殃子之有無自王宮至於庶民亦在乎陰德而已  
豈可專泥於藥哉

不精矣  
而吸其津  
上依其法

婦人良方卷之十

薛氏醫按

臨川陳自明編 吳郡薛 已註

新都 閔道政校

胎教門 求嗣已明須知胎教故以次之

○ ○ 姪娠總論第一

巢氏病源論姪娠一月名胎胚足厥陰脉養之二月名始膏足少陽脉養之三月名始胎手心主脉養之當此之時血不流行形象始化未有定儀因感而變欲子端正莊嚴常口談正言身行正事欲生男宜佩弦執弓矢欲生女宜佩韋施環珮欲子美好宜佩白玉欲子賢能宜看詩書是謂外象而內感者之四月始受水精以成其血脉手少陽脉養之五月始受火精以成其氣足太陰脉養之六月始受金精以成其筋足陽明脉養之七

十月胎

月始受木精以成其骨。手太陰脉養之。八月始受土精以成膚革。手陽明脉養之。九月始受石精以成毛髮。足少陰脉養之。十月五臟六腑關節人神皆備。此其大略也。又五臟論有稱蒼溟者。論一月如珠露。二月如桃花。三月男女分。四月形象具。五月筋骨成。六月毛髮生。七月遊其魂。兒能動左手。八月遊其魄。兒能動右手。九月三轉身。十月受氣足。更有顛顛經云。一月爲胎胞。精血凝也。二月爲胎形。成胚也。三月陽神爲三魂。四月陰靈爲七魄。五月五行分五臟也。六月六律定六腑也。七月精開竅。通光明也。八月元神具降真靈也。九月宮室羅布以定生人也。十月受氣足。萬象成也。今推究數說。如五臟論者。類皆淺鄙。妄託其名。至於三藏佛書。且涉怪誕。漫不可考。今按顛顛經三卷云。中古巫方所撰。其巢氏論妊娠至三月始胎之時。欲談正言。

行正事佩弦韋執弓矢施環珮佩白玉讀詩書之類豈非胎教之理乎嘗試推巢氏所論云妊娠脉養之理若厥陰肝脉也足少陽膽脉也爲一臟腑之經餘皆如此且四時之令必始於春木故十二經之養始於肝所以養胎在一月二月手心主心胞絡脉也手少陽三焦脉也屬火而夏旺所以養胎在三月四月手少陰手太陽乃心脉也以君主之官無爲而尊也足太陰脾脉也足陽明胃脉也屬土而旺長夏所以養胎在五月六月手太陰肺脉也手陽明太陽脉也屬金而旺秋所以養胎在七月八月足少陰腎脉也屬水而旺冬所以養胎在九月又况母之腎臟繫於胎是母之真氣子之所賴也至十月兒於母腹之中受足諸臟氣脉所養然後待時而生此論奧微而有至理世更有明之者亦未有過於巢氏之論矣余因述其說



○受形論第二

娠子即妊娠也故以後受形名篇并附其論

巢氏論曰陽施陰化精氣有餘兩胎有俱男俱女若道藏經云婦人月信止後一日三日五日值男女旺相日陽日陽時交合有孕多男若男女稟受皆壯則男子一或怯弱則少子顛顛經云陽盛發陰當孕成男六脉諸經皆舉其陰又云三陽所會則生男三陰所會則生女葛仙翁肘後方云男從父氣女從母氣聖濟經云天之德地之氣陰陽之至和流薄於一體因氣而左動則屬陽陽資之則成男因氣而右動則屬陰陰資之則成女易稱乾道成男坤道成女此男女之別也凡妊娠有疾投以湯藥衰其大半而已使病去母安胎亦無損矣

愚按東垣丹溪云經水斷後一二日血海始淨精勝其血感者成男四五日後血脉已旺精不勝血感者成女蓋父精母

血因感而會精之施也血能攝精故成子此萬物資始於乾元也血之行也精不能攝故成女此萬物資生於坤元也陰陽交媾胚胎始凝所藏之處名曰子宮一系在下上有兩岐一達於左一達於右精勝其血則陽爲之主受氣於左子宮而男形成精不勝血則陰爲之主受氣於右子宮而女形成此二先生之確論也若夫妊娠藥餌宜禁當參本門考之

○受形篇第三

褚氏云男女之合二精交陽陰血先至陽精後衝血開裊精精入爲骨而男形成矣陽精先入陰血後參精開累血血入爲本而女形成矣陽氣聚面故男子面重溺死者必伏陰氣聚背故女子背重溺死者必仰走獸溺死仰伏皆然陰陽均至非男非女之身精血散分駢治品胎之兆父少母老產女必羸母壯父

衰生男必弱古之良工首察乎此氣受偏瘁與之補之補羸女則養血壯脾補弱男則壯脾節色羸女宜及時而嫁弱男宜待壯而婚此疾外所務之本不可不察也

論胎教第四

馬益卿先生

論曰胎教庶圖之書不可謂之迂而不加信然亦不可狎犯之方今俚俗之家與不正之屬將息避忌略不如儀或藥毒不消或產於風露無產厄而子母均安者亦倖有之若保胎之法須多方豫養方無後患如鄰家有所興修亦或犯其胎氣令兒破形殞命如刀犯者形必傷泥犯者竅必塞打擊者色青黯繫縛者相拘攣如此等驗有如指掌不可不慎也

孕元立本章第五

有泰初有泰始混沌一判既見氣矣故曰泰初既立形矣故曰

泰始氣初形始天地相因生生化化品物彰矣故曰大哉乾元  
萬物資始至哉坤元萬物資生

吳棫註云混沌未判則氣形俱泯混沌既判則氣形已分既  
見氣矣是爲太初既立形矣是爲太始太初者凡有氣之所  
本故天得之以統元氣太始者凡有形之所本故地得之以  
統元形天地交泰相因爲氣形生生者得所以生化化者得  
所以化品物流行而形色名聲彰矣大哉乾元太初之所寓  
也故以萬物之資始爲言至哉坤元太始之所寓也故以莫  
物資生爲言惟萬物資始資生於乾坤故乾元則兆象三坤  
元然後形無不成

有生之初雖陽予之正育而充之必陰爲之主

薛左丞註陰陽離合論曰天覆地載萬物方生未出地者命

曰陰處名曰陰中之陰出地者命曰陰中之陽陽子之正陰爲之主王水謂陽施正氣萬物方生陰爲之主群形乃立字說始而生之者天地也育而克之者人也

因形移易曰改月化坤道之代終也

列子周穆篇尹文先生曰因形移易謂之化莊子曰子方篇混元曰消息盈虛一晦一明日改月化曰有所爲而莫見其功易坤卦文言曰地道無成而代有終也地之承天其無成而有終也豈迫於不得已耶蓋道之所在萬物失之則死得之則生有生之類聽命於此故無成而代有終者以道言之也

謂之姪陽旣受始陰壬之也壬子謂之姪字說

壬一陽也二陰也陽旣受始陰壬之而謂之姪解曰壬陽水

之于也位在亥子之間陰至亥極矣陽復受胎而謂之姪於壬至子然後生

謂之胞巳爲正陽陰包之也

巳正陽也而陰能包之陰與陽更用事故也巳者孟夏之月於卦爲乾純陽用事故詩謂之正月正月者正陽之月也陰方用事而爲物之主則雖正陽亦在所包而退聽焉

謂之坯未成爲器猶云坯也

說文瓦未燒者謂之坯胚婦孕一月也字說坯未成爲器猶坯也

謂之胎既食於母爲口以也

說文胎婦孕二月也字說元胎既食於母爲口以焉

若娠則以時動也

字說女娠以時動

若懷則以身依之也

字說心所懷則身依焉目隸焉

天之德地之氣陰陽之至和相與流薄於一體

靈樞經曰天之在我者德地之在我者氣德流氣薄而生者

也

唯能順時數謹人事勿動而傷則育之道得矣

自一月積之至於十月所謂時數也保衛輔翼防閑忌慎適

其宜所謂人事也

觀四序之運生長收藏代出萬物儀則咸備而天地之氣未始

或虧者蓋陰陽相養以相濟也

陰陽離合論曰天覆地載萬物方生陽子之正陰爲之主故

因春生因夏長因秋收因冬藏失常則天地四塞莊子天地  
篇曰流動而生物物生成理謂之形形體保神各有儀則謂  
之性者曾不知此乃欲拂自然之理謬爲求息之術方且推  
生死於五行蘄補養於藥石以僞勝真以人助天雖或有子  
孕而不育育而不壽者衆矣昔人論年老有子者男不過盡  
八八女不過盡七七則知氣血在人固自有量夫豈能逃陰  
陽之至數哉

天真論帝曰有其年已老而有子者何也岐伯曰此其天壽過  
度氣脉常通而腎氣有餘也此雖有子男不過盡八八女不過  
盡七七而天地之精氣皆竭矣註雖老而生子子壽亦不能過  
天癸之數

○疑形殊稟章第六



婦人良方 薛氏醫按卷之十 六 月六  
天地者形之大也。陰陽者氣之大也。惟形與氣相資而立。未始偏廢。

莊子則陽篇太公調曰：天地者形之大者也。陰陽者氣之大者也。氣以形載，形以氣克。惟氣與形兩者相符，故曰相資而立。未始偏廢。

男女構精，萬物化生。天地陰陽之形氣寓焉。

係辭曰：天地絪縕，萬物化醇；男女構精，萬物化生。

語七：八之數，七少陽也，八少陰也。相感而流通，故女子二七天癸至，男子二八而精通，則以陰陽交合而兆始，故也。

岐伯曰：女子二七而天癸至，任脈通，衝脈盛，月事以時下，故能有子。男子二八腎氣盛，精氣溢瀉，陰陽和，故能有子。傳曰：女子十四有爲人母之道，四十九絕生育之理。男子十六有

爲人父之道六十四絕陽化之理

語九十之數九老陽也十老陰也相包而賦形故陰窮於十男能圖之陽窮於九女能方之則以陰陽相生而成終故也

字說陰窮於十圖之者男陽窮於九方之者女九有變也女足以方之十無變也男足以圍之解曰男有室所以圍陰於外女有家所以方陽於內易曰婦人之吉從一而終也夫子制義從婦凶也圍圓也君道也夫道也圓則可以制義而行方仁也臣道也婦道也方則從一而已男從圍與規從夫同意女從仁與臣從仁同意

元氣孕毓皆始於子自子推之男左旋積歲三十而至巳女右旋積歲二十而至巳巳爲正陽陰實從之自己懷壬男左旋十月而生於寅女右旋十月而生於申申爲三陰寅爲三陽而生

育之時著矣其稟賦也體有剛柔脉有強弱氣有多寡血有盛衰皆一定而不易也

十九難曰男生於寅寅爲木陽也女子生於申申爲金陰也楊氏註云元氣起於子人之所生也男從子左行三十女從子右行二十俱至於巳爲夫婦懷妊也古者男子三十女年二十然後行嫁娶十月而生者男從巳左行至寅爲十月故男行年起於丙寅女從巳右行至申爲十月故女行年起於壬申

以至分野異域則所產有多寡之宜吉事有祥則所夢各應其類是故荆楊薄壤多女雍冀厚壤多男熊羆爲男子之祥虺蛇爲女子之祥是皆理之可推也

周官職方氏揚州其民三男五女荊州其民一男二女雍州

其民三男二女董州其民五男三女詩斯于篇名吉夢維何  
維熊維罷維虺維蛇大人占之維熊維罷男子之祥維虺維  
蛇女子之祥

胎化之法有所謂轉女爲男者亦皆理之自然如食牝雞取陽  
精之全於天產者帶雄黃取陽精之全於地產者

千金方轉女爲男丹參丸用東門上雄雞頭又方取雄黃一  
兩縫囊盛帶之本草丹雄雞補虛溫中通神殺毒其肝補腎  
其冠血益陽雄黃人佩之鬼神不能近毒物不能傷

操弓矢藉斧斤取剛物之見於人事者氣類潛通造化密移必  
於三月兆形之先蓋方儀則未具陽可以勝陰變女爲男理固  
然也

巢氏論云姪娠三月始胎形象始化未有定儀見物而變欲

得男者操弓矢食雄雞

○氣質生成章第七

具天地之性集萬物之靈陰陽平均氣質完備咸其自爾然而  
奇偶異數有衍有耗剛柔異用或強或羸血榮氣衛不能逃於  
消息盈虛之理則稟氣之初詎可一槩論耶是以附贅垂疣駢  
掛枝指侏儒跛蹙形氣所賦有如此者瘡瘍癰腫聾盲疔瘕瘦  
瘠疲癯氣形之病有如此者然則胚胎造化之始精移氣變之  
後保衛輔翼固有道矣

孝經云天地之性人爲貴書泰誓曰惟人萬物之靈

天有五氣各有所湊地布五味各有所入所湊有節適所入有  
度量凡所畏忌悉知戒慎資物爲養者理固然也故寢興以時  
出處以節

六節藏象論曰天食人以五氣地食人以五味王冰云天以  
五氣食人者臊氣湊肝焦氣湊心香氣湊脾腥氣湊肺腐氣  
湊腎地以五味食人者酸味入肝苦味入心甘味入脾辛味  
入肺鹹味入腎也

可以高明可以周密使霧露風邪不得投間而入因時爲養者  
理宜然也故必調喜怒寡嗜慾

好

苗氏園抄卷之十

九

日

正 式

婦人良方卷之十一

薛氏醫按

臨川陳自明

編 吳郡薛 已註

新

都

閔道政校

候胎門

○脉例第一

王子亨云若妊娠其脉三部俱滑大而疾在左則男在右則女經云陰搏

陽別謂之有子搏者近也陰脉逼近於下陽脉則出於上陽中

見陽乃知陽施陰化法當有子又少陰脉動甚者娠子也手少

陰屬心足少陰屬腎心主血腎主精精血交會投識于其間則

有娠又三部脉浮沉正等無病者有娠也餘病如脉經說左手

尺脉浮洪者為男胎也右手尺部浮洪者為女胎也兩手尺部

俱洪者為兩男俱沉實者為兩女又云中指一跳一止者一月



胎三跳二止者二月胎也

○診婦人有姙歌第二

肝爲血兮肺爲氣。血爲榮兮氣爲衛。陰陽配偶不參差。兩藏通和皆類例。血衰氣旺定無姙。血旺氣衰應有體。

肝藏血爲榮屬陰。肺主氣爲衛屬陽。陰陽配偶者是夫婦。四配偶合構精乃有子也。若血少氣盛則無娠。孕若血盛氣少則有孕也。

寸微關滑尺帶數。流利往來并雀啄。小兒之脉已見形。數月懷胎猶未覺。

寸脉微關脉滑尺脉帶數。及流利雀啄皆是經脉閉塞不行。成胎已上之脉皆是血多氣少之脉。是懷小兒之脉已見形狀也。

左疾爲男右爲女。流利相通速來去。兩手關脈大相應。已形亦在前通評。

左手脈疾爲懷男。右手脈疾爲懷女。及兩脈流行滑利相通。疾速來去。是或兩手關脈洪大相應。是其胎已有形狀也。

左脈帶縱兩箇男。

縱者夫行乘妻。水行乘火。金行乘木。卽鬼賊脈也。名曰縱。見在左手則懷兩箇兒也。

右手帶橫一雙女。

橫者妻乘夫也。是火行乘水。木行乘金。卽所勝脈也。名曰橫。見於右手則懷一雙女兒也。

左手脈逆生三男。

逆者子乘母也。是水行乘金。火行乘木。卽已生脾也。名曰逆。

見於左手則懷三箇男兒也

右手脉順還三女

順者母乘子也是金行乘水木行乘火即生巳之脉也名曰順見於右手則懷三箇女兒也

寸關尺部皆相應一男一女分形證

寸關尺部脉大小遲疾相應者是懷一男一女形證之脉也謂關前爲陽關後爲陰陰陽脉相應故懷一男一女也

有時子死母身存或即母亡存子命

此二句之文無辯子母存亡之法

往來三部通流利滑數相參皆替陽實陰虛脉得明遍滿胃堂皆逆氣

若寸關尺三部通行流利皆替替有力而滑數皆是陽實陰

虛之脉。主妊婦逆氣。遍滿胃堂而不順也。

左手太陽浮大男。

左手寸口為太陽。其脉浮大。則是懷男子。

右手太陰沉細女。

右尺寸口為太陰。其脉沉細。是懷女脉也。

諸陽為男。諸陰女。指下分明長記取。

諸陽脉皆為男。即為太疾。數滑實之類也。當懷男子。諸陰脉

三。即沉細之類是也。當懷女子。

三部沉正等無絕。尺內不止。真胎婦。

寸關尺三部脉沉浮。正直齊等。舉按無絕斷。及尺內舉按不

止。任者。真的懷胎婦也。

夫乘妻兮。縱氣霧。

經云縱者夫乘妻也。水行乘火，金行乘木，卽鬼賊脈也。縱氣霧霧者，露也。又上下也。謂夫之陽氣乘妻之陰氣，二氣上下相逐，如霧潤結子也。

妻乘夫兮橫氣助

橫者，妻乘夫也。見前註，謂兩傍橫氣相佐助也。

子乘母兮逆氣參

逆者，子乘母也。謂子氣犯母氣，相乘逆行之氣相參合也。

母乘子兮順氣護

是母氣乘於子氣，爲順氣相護衛也。凡胎聚縱橫逆順四氣，以榮養方以成形也。

小兒日足胎成，聚身熱脈亂，無所苦。

婦人懷小兒五箇月，是以數足胎成，就而結聚也。必母身體

壯熱當見脈息燥亂非病苦之症謂五月胎已成受火精以成氣故身熱脈亂是無病也

汗中不食吐逆時精神結備其中住

謂姪胎受五行精氣以成形稟二經以榮其母懷姪至五月其胎雖成其氣未備故胎氣未安上衝心胃則汗出不食吐逆名曰惡阻俗呼選飯唯思酸辛之味以調胎氣也

滑疾不散三月胎

姪娠三月名始胎此是未有定儀心胞脈養之故脈見滑疾流利爲少氣多血不散爲血氣盛則始結爲胎也

但疾不散五月母

其脈但疾數而不散者是五箇月懷胎之母也

弦緊牢強滑利安沉細而微歸泉路

婦人長方  
孕婦之脉宜弦緊勞強滑利為安吉之脉若沉細而微謂脉與形不相應故云死也前文雖云太陰沉細又云諸陰為女其說似有相違謂三部脉皆不沉細及微故不同也  
愚按前論與脉訣所云不同觀者當自推之

○驗胎法第三

婦人經脉不行已經三月欲驗有胎川芎生為末空心濃煎艾湯調下二錢腹內微動則有胎也

○胎殺避忌產前將護法第四

一受孕之後切宜避忌胎殺所遊如經云刀犯者形必傷泥犯者竅必塞打擊者色青黯繫縛者相拘攣甚至母殞禍如反掌

月遊胎殺

立春在房床

驚蟄在戶單

清門在門雙

立夏在竈

芒種在母身 小暑在竈

立秋在碓 按京本云在正北方子云

白露在厨前 寒露在門

立冬在石及厨

大雪在鑪及竈 小寒在房母身

十干日遊胎殺

甲巳日占門

乙庚日占碓磨

丙辛日占井竈

丁壬日占厨解

戊癸日占米倉

十二支日遊胎殺

子丑日占中堂

寅卯辰酉日占竈

巳午日占門

未申日占籬下

戌亥日占房

六甲旬遊胎殺

甲子旬遊窓碓

甲戌旬遊正廳

甲申旬遊中庭

甲午旬遊房內

甲辰旬遊房中

甲寅旬遊二



○太史局日遊胎殺

每遇癸巳甲午乙未丙申丁酉五日在房內北

庚子辛丑壬寅三日在房內南

癸卯一日在內西

甲辰乙巳丙午丁未四日在房內東

六戊六巳日在房內中 餘日在外無占

凡遊在房內不宜於方位上安牀帳及掃舍皆凶

又有小兒殺及本年三殺及產母身黃定命皆不可犯凡姪姪之後將此貼於房內常照見之切不可穿鑿修插移釘繫籬壁重物展壓之類犯之重則胎死腹中母亦不利輕則子受其殃成人之後必定破形拳攣跛縮瘖瘡犯之極驗

○食忌論第五

一受孕之後切宜忌不可食之物非惟有感動胎氣之戒然於物理亦有厭忌者設或不能戒忌非特延月難產亦能令兒破形母損可不戒哉

食雞肉糯米合食令子生寸白蟲

食羊肝令子生多厄

食鯉魚鱸及雞子令兒成疔多瘡

食犬肉令子無聲音

食兔肉令子唇缺

食鱉肉令子項短及損胎

食鴨子共桑椹同食令子倒生心寒

食螞蟻令子橫生

食雀肉合荳醬食之令子面生黦黯黑子

食苳醬合藿香食之墮胎  
食水醬絕產

食雀肉令子不恥多淫

食山羊肉令子多病

食生薑令子多指生瘡

食蝦蟇鱓魚令子瘡癩

食驢騾馬肉延月難產

如此之類無不驗者則知聖人胎教之法矣

孕婦藥忌歌第六

蚘蚘水蛭地膽蟲 烏頭附子配天雄  
躑躅野葛蠮螋類

烏啄側子及重蟲 牛黃水銀并巴豆  
大戟蛇蛻及蜈蚣

牛膝藜蘆并薏苡 金石錫粉及雌雄  
牙硝芒硝牡丹桂

蜥蜴飛生及麀蟲 代赭蚱蟬胡粉麝  
芫花薇薊草三稜

槐子牽牛并皂角

桃仁螻蛄和茅根

樵根礪砂與乾漆

亭長波流茵草中

瞿麥茵如解爪甲

蝟皮赤箭亦頭紅

馬刀石蠶衣魚等

半夏南星通草同

乾薑蒜鷄及雞子

驢肉兔肉不須供

切須婦人產前忌

此歌宜記在心胃